

Latit.
Gr. Scr.

Longit.
Gr. Scr.

100 INDEX GEOGRAPHICUS.

34. v. 3. de Terræ Promissæ limitibus: Pars meridiana incipiet à solitudine Sin, quæ est juxta Edom; sic Cades in deserto Sin, Deuter. 32. v. 51. Josue 15. v. 1. A termino Edom, Desertum Sin contra Meridiem; de limite Tribus Judæ.
31. 1. 66. 18. Sina. Josue 15. v. 3. de eodem limite: Egrediturque contra Ascensum Scorpionis, & pertransit in Sina (pro Sin) ascenditque in Cadesbarne. 4. Esdræ 3. v. 17. Mons Sina pro Sinai positum est; ut & 14. v. 4. & in Judith 5. v. 14. Deserta Sina montis pro Sinai dicta sunt; & in Ecclesiastic. 48. v. 7. qui audis in Sina judicium, pro Sinai est. Act. Ap. 7. v. 30. Et expletis annis quadraginta, apparuit illi in Deserto montis Sina (Sinai) Angelus, in igne flammæ rubi, v. 38. cum Angelo, qui loquebatur ei (Moyfi) in monte Sina (Sinai.) & in Epistola Pauli ad Galatas 4. v. 24. Hæc enim sunt duo Testamenta: unum quidem in Monte Sina (Sinai) v. 25. Sina enim (Sinai) mons est in Arabia.
28. 40. 68. 5. Sinæi populi forte Cinæi.
- Sinai Mons; sed aliquando Sina pro Sinai scribitur, ut demonstravimus in Sina, aliquando Sina pro Sin; diversa esse loca in Deserto demonstrat Exod. 16. v. 1. Venit Israël in Desertum Sin, quod est inter Elim & Sinai: ubi Sin & Sinai distinctè diversa sunt. 19. v. 2. Profectide Raphidim, pervenientes usque in Desertum Sinai, castrametati sunt in eodem loco, ibique Israël fixit tentoria è regione montis, v. 3. Moyses ascendit ad Deum. v. 11. Descendet Dominus coram omni plebe, super montem Sinai. v. 18. Totus mons Sinai fumabat, eo quod descendisset Dominus super eum in igne. v. 20. Descenditque Dominus super montem Sinai, in ipso montis vertice, & vocavit Moysen. 24. v. 16. & habitavit gloria Domini super Sinai. 30. v. 18. Deditque Dominus Moyfi... in monte Sinai duas Tabulas Testimonii lapideas, scriptas digito Dei. 34. v. 2. Esto paratus mane, ut ascendas statim in montem Sinai. v. 4. Ascendit (Moyfes) montem Sinai. v. 29. Cumque descenderet Moyses de monte Sinai, v. 32. venerunt ad eum filii Israël, quibus præcepit cuncta, quæ audierat à Domino in monte Sinai. Numer. 3. v. 4. Mortui sunt Nadab, & Abiu, cum offerrent ignem alienum in conspectu Domini, in Deserto Sinai. c. 26. v. 64. de Israëlitarum numero, qui Terram Promissam ingressuri erant: Inter quos nullus fuit eorum, qui ante numerati sunt à Moyse & Aaron in Deserto Sinai, &c. Notandum autem dici aliquando Mons Sinai; & aliquando Desertum Sinai.
31. 27. 66. 27. Sior. V. Sihor.
31. 42. 66. 34. Sira cisterna, forteque castrum, ex quo Abner à Joab evocatus, dolosè postea interfectus est, contra Davidis mentem, qui ejus mortem amarè deflevit. Ex 1. Reg. 3.
31. 26. 66. 55. Sis clivus. In Prophetia Jahazelis filii Zachariæ loquentis ad Regem Juda Josaphat; Ammonitas, Moabitas, & Idumæos dicit ascensuros per clivum nomine Sis, & invenietis illos (inquit) in summitate Torrentis, qui est contra solitudinem Jeruël, 2. Paral. 20. v. 16.
38. 30. 57. 40. Smyrna in Apocalypsi 1. v. 12. & 2. v. 8. Urbs est in Asiæ Minoris litore, nomen etiamnum retinens.
33. 30. 69. 0. Soba. Contra Reges Soba pugnavit Saül, 1. Reg. 14. v. 47. & David percussit Adarezer filium Rohob regem Soba, 2. Reg. 8. v. 3. Repetitur Adarezer Rex Soba v. 5. & 12. 1. Paral. 18. v. 3. percussit David Adarezer Regem Soba regionis Hemath.
31. 32. $\frac{1}{2}$ 66. 8. Socho. V. Odollam & Adullam-Socho.
32. 14. 67. 32. $\frac{1}{2}$ Socoth. Genes. 33. v. 17. Et Jacob venit in Socoth, ubi ædificata domo, & fixis tentoriis appellavit nomen loci illius Socoth, i. tabernacula. Ex Jos. 13. v. 27. urbs hæc videtur inter Beth-nemra & Saphon. Ea ipsa est,